

# Dat leewe Geld

beleevt vun [www.addi-kahl.de](http://www.addi-kahl.de)

Grote Boortsdays-Party för 'n düütschen Oligarchen, de mit Schrott-Groothannel bannig riek wuurn weer.

De Fier weer in een Hamboorger Nobelhotel bestellt un he harr so an 150 Gäste un veele Frünnen inlaad. - Pinkelfien weer düsse Fier, dat kann ick hier vertellen...

Mi harr man een kommodige Eck towiest, wo ick mien ganze „Equipment“ all twee Stunnen vörher opbuut harr. - Dat grote Tam-Tam, mit 'n Barg „Ladaten“ dormang, begünn üm Klock söß un schull bit deep Nacht gahn.

As Muskant musst du liedens langen dorbi tokieken, wenn so 'n „Droomschipp-Büfett“ vör di in wiete Feern rüückt un all de lekkern Langusten, Hummers un Perlhühner, de düer Sekt un gode Wien in deelwies veel to dicke Büker verschwinnen deit....

Bi de ganze Danseree dorna över de langen Stunnen bestell ick mi een Glas Rotwien bi denn Kellner un later noch een tweetes Glas. Ok twee Buddel Selters, de jümmers verdeelt över de lange Tiet Standart bi so 'n Fiern för denn Döst sünd.

Nächtens üm halfveer weer opletzt Sluuf un ick kunn miene Instrumente afbuun un in mien Auto in der Deepgaraag verstau'n. Sweetnatt un dootmööd vun de Anstengung, denn Kopp opletzt torüch an de Sitzlehn leggen un eerst maal fief Minuten Luft halen. So gegen Klock fief in Fröhtiet kööm ick nagraad tohuus an. Mien Fru würr waak un harr vull Unroh op mi tövt. - Bloots noch fix duschen un opletzt in maddeligen Slaap fallen.

Sünndagmorgen mit strahlende Sünnschien, jümmers uns Goorntieden mang all uns Blumen un grote Vörfreid op düsse kostboore Frietiet hebben. - Mien Fru harr leckern Koken backt, as so bi Koffeetieden rüm mien Handy klingel: - „Hallo, wer is dor? — Überraschung, — tsscht — Dat is mien Hamboorger Schrotthändler vun hüt Nacht? - Ick weer freidig überrascht un dach, he will bestimmt bedanken! - Toneegst tominnst! - Un denn hör ick sien argerliche Stimm in 't Ohr: „Op uns Hotelreken heff ick faststellt, dat Se veer Getränke harrn, twee Buddel Selters un darto noch twee Gläs Rootwien. - Twee dorvun betahl ick, dat anner möten Se sülvst betahlen???.....

Ick weer baff un ünnerbröök denn Anroop: „Ick meld mi later torüch!“ - Dat müss ick eerstmaal verknusen! — Mien Fru keek mi entgeistert an un meen denn spraaklos: „Is dat wükllich wohr, wat vör 'n Giezknußpel weer dat denn even? - Is de Mann denn noch bi Troost?“ - Minuten later: „Du“, sääh seorsch, „Ick geef Di denn Raat, roop fuurts in dat Hotel an un laat Di een Reken över alle veer Getränke schicken un denn betahlt wi alles sülv, wat Du dor drunken hest!“ - Un so würr dat denn ok! ..

Poor Daag later klingel sülvige Hamboorger Telefon-Nr. un denn de bekannte Stimm vun denn „Oligarchen: „Moin moin, - Se hebben ja alle veer Getränke betahlt! Ick wull doch twee dorvun övernehmen, heff ick doch seggt. - Woanns krieg ick denn nu mien Geld för twee to veel betahlten Getränke weller törüch?....

Bi düsse Fraag heff ick mien Handy einfach afstellt un ok ni nich weller wat vun denn Giezknußpel hört.